

AVANNAATA KOMMUNIA



**TAPIISARNERMUT
[LEQQOREQQUSAQ]**

Kalaallisut

2024

§ 1: Siunertaq:

- Peqatigiiffit tamaasa aamma kulturikkut aaqqissuussat angalanermut aningaasartuutinut tapiissuteqarfiginerisigut aamma ininik attartornermut silamilu ingerlatsinerit tapersersornissaat.
- Avannaata Kommuniani najukkami kulturikkut aaqqissuussat tapersersussallugit.
- Uannga ileqqoreqqusamik tunngaveqartumik tapiiffigineqassagaanni Avannaata Kommuniani najungaqartuunissaq piumasaqaataavoq.

§ 2: Inatsisit tunngavigineqartut:

- Kulturikkut ingerlatsineq sunngiffimmilu sammisassaqtitsineq pillugit Inatsisartut Inatsisaat nr. 5, 6. juni 2016-imeersoq
- Timersorneq timigissarnerlu pillugit Inatsisartut Inatsisaat nr. 15, 6. juni 2016-imeersoq
- Meeqqat inuusuttullu suliniaqtigiviinut init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq

§ 3: Peqatigiiffimmut tapiissutinik tunineqarnermi piumasaqaatit:

Imm. 1: Piorsarsimassutsikkut ingerlatsineq sunngiffimmilu sammisassaqtitsineq pillugit Inatsisartut Inatsisaat nr. 5, 6. Juni 2016-meersumi allassimasut siunertat naapertorlugit Peqatigiiffiup anguniagassaasut allassimasut naammassisavai kiisalu Meeqqat inuusuttullu suliniaqtigiviinut init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq naapertorlugu anguniagassaasut allassimasut peqatigiiffiup naammassisimassavai.

Imm. 2: Pilersitsinertalimmik ataatsimeersuartisoqareersimassaaq.

- Peqatigiiffik minnerpaamik qulinik ilaasortaqaarnissa, saniatugut tapersersuisussanik peqassallutik.
- Peqatigiiffiup ileqqoreqqusaani aalajangersakkat naapertorlugit ataatsimeersuartoqassaaq.
- Ileqqoreqqusaq naapertorlugu siulersuisuni ilaasortassanik qinersinerit ingerlanneqassapput.

Imm. 3: Peqatigiiffik Avannaata Kommuniani angerlarsimaffeqassaaq.

Imm. 4: Ukiut tamaasa naatsorsuutit akuerineqarsimasut kommunimut tunniunneqartassapput najukkami Peqqinneaq Sunngiffimmilu aqtsisuusumut.

- Ilaasortat amerlassusaat, ilaasortaanermut akiliutissaq, pigisat aningaasallu uninngasuutit naatsorsuutini allassimassapput.
- Akiitsut ilanngullugit allassimasassapput kiisalu pigisat nalillit.
- Ataatsimeersuarnermi kukkunersiusussatut toqqarneqartumit naatsorsuutit kukkunersiorneqassapput. Kukkunersiusut akuerisaat.

Imm. 5: Ukiup tullissaanut sammisassanut pilersaarut najukkami Peqqinnej Sunngiffimmullu kingusinnerpaamik 31. Januar nassiunneqarsimassaaq.

Ersarissaaneq unammartoqassappat imaluunniit angalasoqassappat nalunaarusiornissaq, taamatuttaaq sutitsisoqartussaappat anertuumik.

Imm. 6: Angalanernut tapiissuteqartarneq, namminerisamik umiatsiamik ingerlanneqarpata akuersissummik angallassinissamut peqartariaqarpoq, namminerisamik umiatsiamik ingerlanneqarpata, umiatsiaq pisariaqartitanik isumannaallisaatinik peqarpat aatsaat angalanernut tapiissutit tunniunneqassapput, soorlu makkuusunik, VHF raatiu, GPS, ajunaalernermi qummoroortaat kalerrisaarutit, annanniutit atisartakkat ilaasunut tamanut aamma umiatsiaq/pullattagaq aquuteralalik. Kiisalu angalaniarnermi pinngitsoorani ingiaqateqarnissaq qulakkeerneqassaaq. Aammalu meeqqat pinerullugit angajooqqaat ilisimatinneqartassasut atsiortillugillu.

- 6.a Umiatsianik attartornermi piumasaqaatit isumaqtigiiissutilu isumannaarneqarsimassapput.
- 6.b Namminerisamik snecooterinik angalaneq angerlanneqassappat, angalasoq (Angallassisoq) isumannaallisaaneq eqqarsaatigalgu satellitsikkut oqarasuaammik imaluunniit SMS-kkut nassitsisinnaasumik peqassaaq.
- 6.c Innersuussutigineqarpoq angallasisinnaanermut akuerisaasumik attartornissaq.
 - KNAPK-ip SQAPK-iilu akigitai atorneqassapput aammali akikinnermik neqeroorisiortoqarsinnaavoq.
 - Attartornermut isumaqtigiiissuteqartoqarsimassaaq.

Una peqatigiiffinnut tapiisarnermi ileqqoreqqusaq naapertorlugu kattuffinnut tapiisoqarsinnaanngilaq.

§ 4: Taperneqarnissamut qinnuteqaatit piumasaqaatitai:

Qinnuteqarnermi immersugassaq: "Avannaata Kommunianit tapiiffigineqarnissamut qinnuteqaat".

Imm. 1: Qinnuteqarnermi siunertaq qinnuteqaatigineqartoq pillugu paasissutissanik, angalanermut aningaasartuutit takussutissartaannik aamma aningaasat tapiissutigineqartussatut qinnutigineqartut amerlassusiinik imaqartinneqassaaq. Qinnuteqarnermi angalanissaq minnerpaamik ullut 10-it iluani tunniunneqareersimassaaq.

Imm. 2: Peqataasut aqqi ulloq inunngorfik ilanngullugit qinnuteqaammut ilanngussatut ilaatinneqassapput

Imm. 3: Peqatigiiffit peqatigiiffinnik allanik suleqateqarlutik angalatitsinissatik eqaatsumik pilersaarusiornissaannut piviusunngortissinnaanissaannullu tapiisarnermut ileqqoreqqusamit periarfissinneqarput

Imm. 4: Suliamik suliarinninnissaq aallartissaaq paasissutissat tamaasa kommunimi immikkoortaqarfimmut Peqqinnej Sunngiffillu-mut tunniunneqarpata. Qinnuteqarnissamut piffissaliussaaq malinneqanngippat peqatigiiffik qinnuteqaamminik itigartitaasinnaavoq.

Imm. 5: Aaqqissuussanut taperneqartussanut kingumoortumik qinnuteqartoqarsinnaanngilaq.

§ 5: Tapiissutinik atuisimanermut uppernarsaatit:

Imm. 1: Avannaata Kommunianut angalasimanermut nalunaarusiat naatsorsutinik ilalik sammisaqartitsinerup kingorna kingusinnerpaamik qaammatit marluk qaangiutsinnagit kommunimi Peqqinnej Sunngiffillu-mut tunniunneqareersimassapput, suli tunniunneqarsimangippata tunngavilersuilluni nalunaarusiortoqssaaq.

Imm. 2: Tapiiffiqeqarnissamut qinnuteqaammi anguniakkut allassimasut naapertorlugit tapiissutit tamarmiusut imaluunniit ilaannakortumik atorneqarsimassanngikkunik tapiissutit atunngitsuukkat Avannaata Kommunianut utertinneqassapput.

- Atunngitsuukkat utertinneqanngippata nutaamik qinnuteqaasiornermi itigartitsisoqassaaq atunngitsuukkat peqatigiiffimmit Avannaata Kommunianut utertinissaata tungaanut.

§ 6: Aningaasaliissutinut sinaakkusiussat:

Imm. 1: Kommunalbestyrelsip missingersuutit suliarineqarnerini ukiumoortumik aningaasat tapiissutissat amerlassusaat aalajangersartassavai.

Imm. 2: Kommunimi najugaqarfinni tamani innuttaasut najugallit amerlassusaat malillugit tapiissutit amerlassusilorsorneqartassapput aamma agguarneqartassapput.

Imm. 3: Peqatigiiffiup CVR.-nr-ssani, Akileraartarnermut pisortaqarfimmut, Namminersorlutik Oqartussaniittumut peqatigiiffiup pissarsiarereernerani, aallartisarneranut 1.000 koruunit tungaanut tapiissuteqartoqarsinnaavoq, kiisalu peqatigiiffiup Bankkonto pingineqarnissaa.

Imm. 4: Peqatigiiffik pisortatigoortumik nuna tamakkerlugu unammersuarnermik aaqqissuisoq 40.000 koruunit tikillugit aaqqissuussamut ataatsimut tapiiffigineqarsinnaavoq, taakku ullormusiaqartitsinermut imaluunniit inunnut ajunngitsorsiassatut atorneqaqqusaanngillat. Tapiissutit 40.000 kr.-it atornerinut nassuaat, aaqqissuussinerup ingerlanneqarnerata kingorna kingusinnerpaamik qaammatip ataatsip qaanngiunnerani nassiunneqassaaq.

- Kommunimi immikkoortortaqarfimmut Peqqinneq Sunngiffillu utertinneqarnissaannik piumasaqarsinnaavoq, tapiissutinik atornerluisoqarsimappat.

Imm. 5: Aaqqissuussat pereersut tapiissuteqarfigineqarsinnaanngillat.

Imm. 6: Peqatigiiffit Avannaata Kommunianut akiitsoqartut akiitsut akilersornissaannik, allaganngorlugu isumaqatigiissuteqareerunik aatsaat tapiissuteqarfigineqarsinnaapput.

§ 7: Timersornermik siunertallit tapiissuteqarfigineqartarneri:

Imm. 1: Aaqqissuussinermi ataatsimi iligiaat angalanermut aningaasartuutaannut tapiisoqarsinnaavoq:

- Ilulissat: Inersimasut angalanermut 65%-mik aningaasartuutinut tapiisoqartassaaq Kalaallit Nunaanni Timersoqatigiiffit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut.
- Uummannaq: Inersimasut angalanermut 70%-mik aningaasartuutinut tapiisoqartassaaq Kalaallit Nunaanni Timersoqatigiiffit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut.
- Upernivik: Inersimasut angalanermut 75%-mik angalanermut aningaasartuutinut tapiisoqartassaaq Kalaallit Nunaanni Timersoqatigiiffit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut.
- Qaanaaq: Inersimasut angalanermut 80% aningaasartuutinut tapiisoqartassaaq Kalaallit Nunaanni Timersoqatigiiffit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut.
- Avannaata Kommuniani meeqqat inuuusuttullu 18-it ataallugit ukiullit aningaasartuutit tamarmiusut 100%-mik matussuserneqartassapput. Aningaasartuutinut tapiisoqartassaaq Kalaallit Nunaanni Timersoqatigiiffit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut.
- Meeqqat cup-erlutik unammiuuarnerinut 100 %-mik tapiisoqarsinnaavoq, meeqqat 18-nit ataallugit ukioqarpata.
- Kattuffiit aaqqissuussarinngisaannut peqataanerni angalanerni aningaasartuutinut 25 %-mik tapiisoqarsinnaavoq.

- Nunani avannarlerni meeqqanut inuusuttuaqqanullu 18-it inorlugit ukiulinnut ukiumut angalaneq timersoqatigiiffimmi timersummut ataatsimut unammisaqattaartoqarnerani angalanermut 40% angullugu tapiisoqarsinnaavoq. Unammisaqattaarneq paasineqassaaq ullut arlariit unammisaqattaarnertut, tamatumani hold-inut arlariinnut unammisoqassalluni. Assersuut: Danmark Mesterskab peqataanermut.
- Nunanut allanut angalluni sungiusariarnernut tapiissuteqartoqarneq ajorpoq.
- Utoqqaat innarluutillullu timersornermik atuineranni aningaasartuutissat tamarmik 100%-mik matussuserneqartassapput. Fitness, timigissartarfitt / Motion, timersortarfinnilu atuinermi.
- Utoqqaat suliunnaarnersiutillillu peqatigiiffii nunarput tamakkerlugu unammersuaarnissaannut angalanermut 60%-mik taperneqarsinnaavoq.

Imm. 2: Avannaata kommuniani pissartanngorniunnerni hold-i ataaseq annerpaamik 40%-imik angalanermut taperneqarsinnaavoq.

Imm. 3: Meeqqat inuusuttullu 17-it angullugit ukiullit illup iluani silamilu sammisaqartinneqarnerini atortunik attartornermut, ukiumoortumik Fodboldskolemut aamma Håndboldskole-mut Tae Kwon Do-mut Kidsvolley-imut Arctic Sports-imut, solorartartunullu ilinniartitsinernilu taakkunani atortunut, aningaasartuutit tamarmiusut 100 %-mik matussuserneqartassapput.

Imm. 4: Nammineq pigisumi Uummanni inuusuttut 18-it inorlugit ukiullit timersornermik anguniagallit, timersortarfinni illup iluani silamilu sammisaqartinneqarnerini atortunik attartornermut aningaasartuutit 100 %-ii matussuserneqartassapput.

Imm.4a: Nammineq pigisumi Uummanni timersortarfinni timersoqatigiiffit sammisaqartinneqarnerini inersuarmi attartornermut aningaasartuutit 90 %-ii matussuserneqartassapput.

Imm.5: Timersortarfinni tamani illup iluani silamilu meeqqat 17-it tikillugit ukiullit timersornermik sammisaqartinneqarnerini atortunik attartornermut aningaasartuutit ukiumoortumik akuerineqartut malillugit “Kommunemi Akigititat” atorlugit matussuserneqartassapput.

- Inersuarmik timersornermut atuineq akeqanngilaq.

Imm. 6: Ukioq timersorfiusoq naapertorlugu meeqqanut inuusuttuaqqanullu 17-it tikillugit ukiulinnut sungiusaanermik ingerlatsisimagaanni, timersummi ataatsimi sungiusaasumut ataatsimut 5.000,- kr.-it tapiissutit tunniunneqarsinnaapput. Ukioq timersorfiusoq septemberimiit maj/junimut sungiusaasutut ingerlatsisimanermut uppernarsaat, tapiissuteqarfingineqarnissamik qinnuteqaammut ilanngullugu peqatigiiffit timersoqatigiiffillu siulersuisuniik nassiunneqassaaq, meeqqanik sungiusaasuunermi meeqqanik pinerliisimannginnermut uppernarsaat ilanngullugu.

Imm. 7: AWG-imi, Inuit Games-ini aamma Island Games-ini assigisaanillu peqataanermi, Avannaata Kommuniani najugaqartumut Nuna tamakkerlugu holdikkaarluni unamminermi peqataasumut ataatsimut kaasarfimmiunik 1.000,- kr.-inik tapiissuteqartoqarsinnaavoq.

Imm. 8: Illoqarfinni ”Ukiup Timersullammaatut nersornaasiineq” annerpaamik 3.000,- kr.-nik aningaasartaqartassaaq. Timersornerullu iluani nersornaasiinernut allanut inummut ataatsimut inoqarfinnilu tamani nunaqarfiiit ilanngullugit annerpaamik 1.000,- kr.-nik aningaasartaqartassapput.

Timersullammak imaluunniit nersornaasiinerit ukiup naalernerani ukiulluunniit nutaap aallartinnerani nalliuottorsiualaarnermi ingerlanneqartassapput

- Timersullammamik toqqaanissamut komitemik pilersitsisoqassooq. Komitemi ilaasortassapput inuit tallimat, taakkussallutilu timersoqatigiiffiit innersuussaanik toqqaasussat. Toqqaasussat timersoqatigiiffinniik innersunneqarsimasut maleruaqqusat malillugit innersunneqarsimasut piukkunnarnersiorlugit. Komitemi makkunannga inuttaqartumit:
- Timersortarfimmi pisortaq
- Najukkami ataatsimiitaliamit aallartitaq
- Ukiut ingerlanerani sumiiffimmi timersullammattut toqqagaanikoq
- Ukiut ingerlanerani sumiiffimmi timersullammattut toqqagaanikoq
- Timersoqatigiiffimmuit aallartitaq ataaseq (toqqagaq)

Nersornaasiineq imaluunniit nersornaasiinerit ukiup naalernerani ukiulluunniit nutaap aallartinnerani nalliuottorsiualaarnermi ingerlanneqartassapput.

Imm. 9: Avannaata Kommuniani ”Ukiup Timersullammaatut nersornaasiineq” annerpaamik 5.000,- kr.-nik aningaasartaqartassaaq, timersornerullu iluani sumiiffigisaminni innuttaasunut sunniuteqarluartumik suliniuteqartunut tunniunneqartassalluni.

- Avannata Kommuniani “Ukiup Timersullammaatut nersornaasiineq” innersuussutit timersoqatigiiffinnut innuttaasunullu tamanut kina “Ukiup Timersullammaatut nersornaasiineq”-qassanersoq siunnersuutinik tunniussereersimasassapput 1.december nallertinnagu illoqarfinni sumiiffigisani immikkoortortamut “Peqqinnej Sunngiffillu”-mut.
- Toqqaaniarnermi sumiiffinnit komité-t tunngavilersorluakkamik inummik ataatsimik innersuussinerisigut toqqaasoqartassaaq. Komité-t 15. December nallertinnagu innersuussereersimasassapput.
- “Ukiup Timersullammaatut nersornaasiineq”-mi Komite-mi toqqaasassapput; Politikkikkut qinikkat sinnerlugu Borgmester, Peqqinnej Sunngiffimmilu aqutsisut.

Imm. 10: Timersoqatigiiffit peqatigiiffit tapiiffigineqarnerminni ukiumut ataasiarlutik sumiiffisaminni innuttaasunut pikialaartitsisoqartillugu ikiunnissaminnik pisussaaffeqarput.

Imm. 11: Timersoqatigiiffit 18 inorlugit ukiulinnut sungiusartartunut sungiusaasut ukioq timersorfik aallartinnginnerani ukiut tamaasa (sæson) meeqqanut pinerluuteqarsimannnginnermik uppernarsaammik Peqqinneq Sunngiffimmillu tunniussisassaaq.

- 11.a. Ukioq sungiusarfiusumut børneattest 1. januar aammalu 31. december atuutitsineqartassaaq, ukiullu tamaasa nutarterneqartassalluni.

§ 8: Kulturikkut aaqqissuussat tapiissuteqarfigineqartarneri:

Imm.1: Imm.1: Peqatigiiffit § 3-mi piumasaqaatinik naammassinnittut angalanerisa aningaasartuutaannut illoqarfikkutaallugu %-it aaliangersimasoq tunniunneqarsinnaavoq.

- Ilulissat: Inersimasut angalanermut 65%-mik aningaasartuutinut tapiisoqartassaaq Kalaallit Nunaanni Timersoqatigiiffit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut.
- Uummannaq: Inersimasut angalanermut 70%-mik aningaasartuutinut tapiisoqartassaaq Kalaallit Nunaanni Timersoqatigiiffit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut.
- Upernavik: Inersimasut angalanermut 75%-mik angalanermut aningaasartuutinut tapiisoqartassaaq Kalaallit Nunaanni Timersoqatigiiffit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut.
- Qaanaaq: Inersimasut angalanermut 80% aningaasartuutinut tapiisoqartassaaq Kalaallit Nunaanni Timersoqatigiiffit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut.
- Avannaata Kommuniani meeqqat inuuusuttullu 18-it ataallugit ukiullit aningaasartuutit tamarmiusut 100%-mik matussuserneqartassapput. Aningaasartuutinut tapiisoqartassaaq Kalaallit Nunaanni Timersoqatigiiffit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut.

Imm. 1.a: Ukunnunnga atuuppoq:

1. Innuttaasunik paasititsinjaaneq, soorlu assersuutigalugu kulturi timersornerlu pillugit paasititsinjaanerit.
2. Piorsarsimassutsip (kulturip) ineriartortinneqarneranik suliniarneq aamma saqqummersitsinerit.
3. Najukkami peqatigiiffit ataatsimoorussamik siunertallit.
4. Isiginnaartitsinerit, erinarsornerit aamma nipilersornerit.

5. Filmertitsinerit aammaa videortitsinerit.
6. Nipilersukkanik aammalu video-lianik saqqummersitsinerit.
7. Atuakkanik saqqummersitsinerit.

Imm. Nipilersukkanik video-lianik saqqummiinissamut qinnuteqartarneq maaji 15-ianut qinuteqartarneq killeqarpoq. Upernaakkut qinuteqartoqarsimanngippat piriarfissaqarpoq Septemberip 15-ianut qinnuteqarnissamut. Qinnuteqarnermi annerpaamik 20.000,- kr. tapiisoqarsinnaavoq. Immiussinermi tapiissutit atortut amigaatinut atungassiatut qinnuteqaatigineqarsinnaanngillat.

Imm.2: Angalanerit aningaasartuutaasa affai tapiissuteqarfingineqarsinnaapput – taamaattoq Avannaata Kommuniani nipilersortartut erinarsortartullu Avannaata Kommuniata avataani kulturip ineriartortinnejnarneranik suliaqarnermik ilaqqassappata amerlanerpaamik 15.000 koruunit angullugit siumut utimullu angalanissanut tapiisoqarsinnaalluni.

Imm. 3: “Kulturikkut sunniuteqarluarsimasumut nersornaat” (Kulturikkut suliniarluarsimasumut kajumissaat) Kiisalu (Inuuusuttumut kulturikkut malunnaataalluarsimasumut kajumissaat) Inuiattut ullorsiornermi ulloq 21. Juni nersorinnissutit pingasut tunniunneqartartussat annerpaamik immikkut 1000,- kr. Aningaasartaqartassapput, illoqarfinni nunaqarfinnilu tamani immikkut tamarmik. “Ukumi Kulturikkut nersornaammik” nersornaaserneqartut kajumissaaserneqartullu toqqaarneqartassapput komitemit makkunannga inuttaqartinneqartumit, kommunimi immikkoortortaqarfimut Peqqinneaq Sunngiffillu illoqarfinni nunaqarfinnilu tamani kulturikkut peqatigiiffinit tamanit sinniisunit. Komite maaji qaammat naatinngagu toqqaareersimasssaaq.

Imm. 4: Angalanernut aningaasartuutinut Qimussimik Kalaallit Nunaanni pissartanngorniunnermut, Kulturikkut siunertanut ukiumoortumik illoqarfimmut atugassiissutigineqartut annerpaamik pingajoraarterutaat, 33%, tapiissutigineqarsinnaapput, taassumalu nunaqarfiinut tapiissutit ukiumoortumik Kulturikkut siunertalinnut.

Imm. 5: Ukioq sammisassaqartitsivusoq tamakkerlugu meeqlanut inuuusuttuaqqanullu 17-it tikillugit ukiulinnut piorsarsimassutsikkut sammisaqartitsisutut ingerlatsisimagaanni, sungiusaasumut ataatsimut 5.000,- kr.-it tapiissutit tunniunneqarsinnaapput. Ukioq sammisassaqartitsivusoq septemberimiit maj/junimut sammisaqartitsisutut ingerlatsisimanermut uppernarsaat, tapiissuteqarfingineqarnissamik qinnuteqaammut ilanngullugu peqatigiiffimmiit nassiunneqassaaq.

Imm.6: Peqatigiiffiit tapiiffingineqarnerminni ukiumut ataasiarlutik sumiiffigisaminni innuttaasunut pikialaartitsisoqartillugu ikuunnissaminnik pisussaaffeqarput.

Imm.6.1: Kulturikkut sammisaqartuni 18 inorlugit ukiulinnut sungiusartartunut sungiusaasut ukioq piorsarsimassutsikkut suliaqartut aallartinnginnerani ukiut tamaasa (sæson) meeqlanut pinerluuteqarsimannginnermik uppernarsaammik Peqqinneaq Sunngiffimmillu tunniussisassaaq.

Imm 7: Kommunip aningaasaliissutigisimasaasa takussutissartaat naatsorsuutit suliarineqarneranni ilanngullugu takusassiarineqartassapput.

Imm. 8: Avannaata Kommuniani immikkut suliaqartunut – ilinniartunut “Nersornaasiinermi” angusarnermermi takussutissamik tunniussineq. Assersuutigalugu najugaq qimmannagu ilinniarnerntuunngorniarfimmi ilinniarneq angusarissaarnermi nersornaasiinerit.

§ 9: Akuersisinnaatitaasut:

Imm.1: Qinnuteqaammi aningaasat 100.000 koruunit inorlugit aningaasartallit najukkami Peqqinnej Sunngiffik-imilu aqtsisuusunut aalajangigassanngortillugit nassiunneqartassapput.

Imm.2: Qinnuteqaammi aningaasat 250.000 koruunit inorlugit aningaasartallit Peqqinnej Sunngiffimmilu ataqatigiissaarisumut aalajangigassanngortillugit nassiunneqartassapput.

Imm. 3: Qinnuteqaammi aningaasat 250.000 koruunit sinnerlugit aningaasartallit Inerisaanermut Ataatsimiitaliamit aalajangiiffiqeqartussanngorlugit nassiunneqartassapput.

Imm. 4: Kommunimi immikkoortortaqarfip Peqqinnej Sunngiffillu pisortat ingerlatsinerat pillugu paasinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumi kapital 2-imi allassimasut malittussaavai.

Imm. 5: Qulaani aalajangersakkat Avannaata Kommuniani kommunalbestyrelsimit naammagittaalliutigineqarsinnapput.

§ 10: Tusarniaasarnerit:

Imm. 1: Tapiisarnermi ileqqoreqquqaq una ukiut tamaasa augustimi peqatigiiffinnut tamanut sumiiffinni tamaniittunut tusarniutigineqartassaaq.


Imm. 2: Tapiisarnermi ileqqoreqquqaq una pillugu tusarniaaneq septemberimi peqatiiffinnik aggersaalluni isumasioqatigiisitsinikkut aamma ingerlanneqartassaaq.

Inerisaanermut Ataatsimiitalianik akuerineqarpoq ulloq: 09.november2023

Siulittaasoq Lena R. Davidsen



Avannaata Kommuniani Kommunalbestyrelsimit akuerineqarpoq ulloq 24.november 2023



Palle Jerimiassen

Borgmesteri Palle Jerimiassen